

Na osnovu Okvirnog sporazuma za "Stručni nadzor na izvođenju radova izgradnje, rekonstrukcije, rehabilitacije i održavanja puteva na području Kantona Sarajevo" broj: 04-11-11100-OS/20 od dana 13.08.2020. godine zaključuje se

UGOVOR XXVII

za usluge: "Nadzor nad izvođenjem radova izgradnje zida i šroširenja kolovoza u sklopu projekta rehabilitacije ceste u ulici Muje Šejte"

UGOVORNE STRANE:

Direkcija za puteve Kantona Sarajevo, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu: Naručioc)

i

IPSA INSTITUT d.o.o. Sarajevo, ul. Put života bb, Identifikacioni broj: 4200032270003 koga zastupa direktor Enko Hubanić dipl.ing.građ (u daljem tekstu: Izvršilac)

I PREDMET UGOVORA

Član 1.

Predmet ovog ugovora su usluge nadzora nad izvođenjem radova izgradnje zida i šroširenja kolovoza u sklopu projekta rehabilitacije ceste u ulici Muje Šejte, u sklopu Okvirnog sporazuma broj: 04-11-11100-OS/20 od dana 13.08.2020. godine u svemu prema postupku javne nabavke provedenog putem otvorenog postupka, dostavljene ponude Izvršioca usluga i Odluke o izboru najpovoljnijeg ponuđača i dodjeli ugovora, koje čine sastavni dio Ugovora.

Član 2.

Predmet ugovora preciziran je prilogom ugovora (projektom zadatkom) i tenderskom dokumentacijom.

II CIJENA I NAČIN PLAĆANJA

Član 3.

Ugovorne strane su saglasne da je ukupna cijena usluge iz člana 1. ovog Ugovora definisana prihvaćenom ponudom Izvršioca usluge i iznosi

2.159,27 KM sa PDV-om
(slovima: **dvijehiljadestotinupedesetdevet i 27/100 KM**)
(1.845,53 KM bez PDV-a)

Ugovorene strane su saglasne da je utvrđena cijena za usluge fiksna i nepromjenljiva.

Utvrđena cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje usluge.

Član 4.

Ugovorne strane su saglasne da će se plaćanje po ovom ugovoru izvršiti u roku od 60 dana nakon predaje kompletne dokumentacije u skladu sa zadatkom od strane Izvršioca usluge i odobravanja dokumentacije od strane Naručioca usluge.

Plaćanje se vrši na račun izvršioca naveden u ponudi.

III ROK IZVRŠENJA USLUGE

Član 5.

Izvršilac se obavezuje da će usluge koji su predmet ovog ugovora izvršiti u roku od 45 (četrdesetpet) dana od dana obostranog potpisa ugovora, a najkasnije do okončanja svih radova koji su predmet nadzora.

Izvršilac ima pravo da zahtijeva produženje roka za izvršenje ugovornih obaveza u slučajevima kada je to opravdano, odnosno u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka za izvršenje se smatraju slučajevi koji se ne mogu dovesti u vezu sa odgovornošću Izvršioca, i to viša sila (prirodne nepogode, poplave, zemljotresi, i sl.), geološki i/ili hidro-klimatski uslovi, mjere predviđene aktima nadležnih organa, nastanak uvjeta koji nisu predviđeni tehničkom dokumentacijom, i slično. U slučaju eventualnog nastanka osnova za podnošenje zahtjeva za produženje roka za izvršenje, Izvršilac je dužan podnijeti prema Naručiocu zahtjev po hitnom postupku u odnosu na momenat nastupanja nepredviđene okolnosti.

Naručilac ima pravo da raskine ugovor ako Izvršilac propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorne obaveze u roku koji bi za Naručioca bio prihvatljiv. U tom slučaju ugovorni organ neće platiti Izvođaču radova onaj dio radova koji je u nastavku rada nemoguće koristiti.

IV OBAVEZE IZVRŠIOCA USLUGE

Član 6.

Izvršilac usluge se obavezuje:

- izvršiti sve ugovorene obaveze u potpunosti a kako je to predviđeno projektnim zadatkom i ostalim prilozima koji čine sastavni dio ugovora,
- ugovorenu uslugu obaviti u skladu sa važećim propisima i pravilima za tu vrstu usluge, kao i zahtjevima naručioca navedenim u projektnom zadatku i pozivu za ponudu,
- garantovati kvalitetno izvršenje ugovorne usluge,

- obezbjediti dnevno prisustvo nadzornog inženjera na gradilištu,
- održavati kontinuitet i dinamiku izvršenja svojih obaveza i u ugovorenom roku izvršiti uslugu iz predmeta ovog ugovora.
- u svemu postupati prema nalogima Naručioaca, ujedno poštujući odredbe pozitivno-pravnih propisa i odredbe ovog ugovora.

U slučaju neispunjenja ugovornih obaveza i povrede dinamike rada Izvršilac odgovara za svu učinjenu nastalu štetu zbog profesionalnog propusta.

Član 7.

Nadzor imenuje nadzorne inženjere za konkretni projekat koji moraju ispunjavati uvjete iz člana 110. Zakona o prostornom uređenju Kantona Sarajevo (*Službene novine Kantona Sarajevo broj 24/17*).

Poslove stručnog nadzora nad građenjem ne može obavljati pravno lice koje je izradilo ili učestvovalo u izradi projektne dokumentacije i pravno lice koje izvodi radove na građevini koja se gradi. Nadzorni inženjer je lice ovlašteno za provedbu nadzora nad građenjem, koji se provodi u ime investitora. Ovisno o složenosti građevine pravno lice koje obavlja nadzor nad građenjem u ime investitora, može formirati nadzorni tim i imenovati koordinatora. Koordinator se imenuje iz reda nadzornih inženjera i odgovoran je za usklađivanje rada nadzornog tima.

Član 8.

U provođenju nadzora nadzorni inženjer je dužan:

- a) utvrditi usklađenost iskolčenja građevine sa zapisnikom o iskolčenju građevine i projektom;
- b) provjeriti i utvrditi gradi li se u skladu sa odobrenjem za građenje, tehničkom dokumentacijom i Zakonom o prostornom uređenju Kantona Sarajevo (*Službene novine Kantona Sarajevo broj 24/17*);
- c) provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanim Zakonom, posebnim zakonima i propisima, važećim tehničkim propisima i standardima, te da je taj kvalitet dokazan propisanim ispitivanjima i dokumentima;
- d) biti prisutan u svim fazama testiranja kvaliteta ugrađenog materijala kao i u svim fazama testiranja nosivog sklopa građevine;
- e) potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolisati građevinsku knjigu te, po potrebi, vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu. Nadzorni inženjer je odgovoran za provedbu svih potrebnih mjera;
- f) napisati izvještaj investitoru o obavljenom nadzoru nad građenjem građevine i to periodične izvještaje (uz ispostavljene privremene situacije) i završni izvještaj;
- g) po potrebi uraditi analizu cijene i ocjenu neophodnosti za određene pozicije za ugovornog organa.

Prihvatanje od strane Ugovornog organa bilo kojeg izvještaja, projekta ili bilo kojeg drugog dokumenta ili preporuke koju dobije od Nadzora, ne oslobađa Nadzora niti jedne od njegovih obaveza.

Nadzorni inženjer dužan je pravovremeno obavijestiti investitora o svim uočenim nedostacima i nepravilnostima prilikom vršenja stručnog nadzora u skladu sa Zakonom o prostornom uređenju Kantona Sarajevo (*Službene novine Kantona Sarajevo broj 24/17*).

Nadzorni inženjer dužan je pravovremeno obavijestiti urbanističko-građevinskog inspektora o svim nedostacima i nepravilnostima koje je uočio tokom građenja, a koje investitor ili izvođač radova odbiju otkloniti na osnovu njegovog upozorenja.

V KAZNA ZA KRŠENJE ROKA IZVRŠENJA

Član 9.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim ugovorom.

U slučaju zakašnjenja u izvršavanju ugovornih obaveza u normalnim uslovima, Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka radova preko 2 (dva) dana, Izvršilac će platiti Naručiocu kaznu u iznosu 0,5% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti.

U slučaju kada Naručilac ocijeni opravdanim produženje roka za izvršenje ili kada potreba produženja roka nastane bez krivice i odgovornosti Izvršioca, pomenuta kazna se ne zaračunava.

VI OBAVEZE NARUČIOCA USLUGE

Član 10.

Naručilac usluga se obavezuje :

1. pravovremeno uputiti prigovore na eventualne propuste tokom obavljanja usluge a koji nisu u skladu sa Ugovorom i ponudom Izvršioca usluge,
2. uredno izvršiti plaćanje ugovorene usluge.

VII USTUPANJE USLUGA DRUGOM PRUŽAOCU

Član 11.

Izvršilac usluge nema pravo ustupiti ugovorene usluge u cijelosti ili djelimično drugoj firmi bez izričite saglasnosti Naručioca usluge.

VIII GARANCIJA

Član 12.

Izvršilac usluge daje garanciju da je usluga iz predmeta ovog ugovora urađena u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja usluge.

IX VIŠA SILA

Član 13.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

X KORIŠTENJE UGOVORNIH DOKUMENATA I INFORMACIJA - POSLOVNA TAJNA

Član 14.

Izvršiocu usluge nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršilac usluge i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

XI RJEŠAVANJE SPOROVA I MJERODAVNO PRAVO

Član 15.

Naručilac ima pravo da raskine ugovor ako Izvršilac usluge propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvršiocu usluge onaj dio usluge koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Izvođač nema pravo zapošljavati u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

XII POSEBNE ODREDBE

Član 16.

Ovaj ugovor ostaje na snazi do potpunog izvršenja ugovorene usluge. Ugovorne strane mogu sporazumno otkazati ovaj ugovor i prije njegovog izvršenja ukoliko, neovisno od ugovornih strana,

nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Prava i obaveze ugovornih strana regulisana su pozitivnim zakonskim propisima Bosne i Hercegovine.

XIII ZAVRŠNE ODREDBE

Član 17.

Ovaj ugovor stupa na snagu danom obostranog potpisivanja od strane opunomoćenih predstavnika ugovornih strana.

Sastavni dio ovog ugovora su njegovi prilozi, i to:

- *Projektni zadatak*

- *Ugovor Ugovor VI za radove "Izgradnje zida i proširenje kolovoza u sklopu projekta rehabilitacije ceste u ulici Muje Šejte" broj: 04-11-29913-U6L8/20 od 12.05.2021. godine*

Član 18.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.

 **IZVRŠILAC:** 

 Enko Hubanić, dipl.ing.građ.
Direktor 

IPSA INSTITUT d.o.o. Sarajevo

Broj: *1567/21*
Datum: *17-05-2021*

 **NARUČIOCI:**

 Selmir Kovač dipl.ing.saob
Direktor 

Direkcija za puteve Kantona Sarajevo

Broj: 04-11-11100- U27/20
Datum: 12.05.2021. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Bosnia and Herzegovina
Federation of Bosnia and Herzegovina
CANTON SARAJEVO
Ministry of traffic
Road Directorate


PROJEKTNI ZADATAK

za vršenja stručnog nadzora na izvođenju radova izgradnje, rekonstrukcije, rehabilitacije i održavanja javnih cesta i cestovne opreme na području Kantona Sarajevo



web: <http://dp.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





1. OPĆI PODACI

- 1.1. Investitor: Ministarstvo saobraćaja Kantona Sarajevo – Direkcija za puteve
- 1.2. Naziv usluga: Vršenje stručnog nadzora na izvođenju radova izgradnje, rekonstrukcije, rehabilitacije i održavanja javnih cesta i cestovne opreme
- 1.3. Lokacija: Kanton Sarajevo
- 1.4. Predmet usluga: Stručni nadzor

2. UVOD

Investitor, kao lice u čije ime i za čiji račun se gradi građevina i vrše drugi zahvati u prostoru, je dužan da osigura stručni nadzor nad izvođenjem radova.

Stručni nadzor nad građenjem u ime investitora, može obavljati pravno lice registrovano za poslove projektovanja i/ili građenja. Pravno lice vrši stručni nadzor pod uvjetom da za svaku vrstu radova na objektu, za koje obavlja nadzor (građevinsko-zanatski, konstruktivni, elektro, mašinski, itd.) ima u radnom odnosu zaposlenog najmanje jednog diplomiranog inženjera sa najmanje pet godina radnog iskustva i položenim stručnim ispitom. Pravno lice koje nema zaposlene diplomirane inženjere za sve vrste radova za koje obavlja nadzor, mora obezbijediti angažovanje diplomiranih inženjera sa najmanje pet godina radnog iskustva u struci i položenim stručnim ispitom za svaku vrstu radova za koju se obavlja nadzor po osnovu ugovora sa drugim pravnim ili fizičkim licima. Pravno lice imenuje nadzorne inženjere za konkretni projekat koji moraju ispunjavati uvjete iz člana 110. Zakona o prostornom uređenju Kantona Sarajevo (*Službene novine Kantona Sarajevo broj 24/17*).

Poslove stručnog nadzora nad građenjem ne može obavljati pravno lice koje je izradilo ili čestvovalo u izradi projektne dokumentacije i pravno lice koje izvodi radove na građevini koja se gradi. Nadzorni inženjer je lice ovlašteno za provedbu nadzora nad građenjem, koji se provodi u ime investitora. Ovisno o složenosti građevine pravno lice koje obavlja nadzor nad građenjem u ime investitora, može formirati nadzorni tim i imenovati koordinatora. Koordinator se imenuje iz reda nadzornih inženjera i odgovoran je za usklađivanje rada nadzornog tima.

Radovi nadzora će se obavljati na projektima izgradnje, rekonstrukcije i rehabilitacije puteva na području Kantona Sarajevo koji su predviđeni Programom rada i čiji je investitor Direkcija za puteve Kantona Sarajevo. Radovi nadzora će se također obavljati na poslovima redovnog i vanrednog održavanja puteva, objekata i opreme (brojači, liftovi, pokretne trake, pumpe itd.).



web: <http://dp.ks.gov.ba>

e-mail: dp@dp.ks.gov.ba;

Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





3. OBAVEZA NADZORA

Nadzor mora da imenuje odgovornog nadzornog inženjera za svako gradilište na kojem se vrši nadzor nad radovima.

Investitor će po sklapanju ugovora za izvođenje radova sa Izvođačem, uputiti zahtjev za imenovanje nadzornog inženjera. Nadzor će pismenim putem dostaviti Investitoru rješenje o imenovanju nadzornog inženjera.

U provođenju nadzora nadzorni inženjer dužan je:

- a) utvrditi usklađenost iskolčenja građevine sa zapisnikom o iskolčenju građevine i projektom;
- b) provjeriti i utvrditi gradi li se u skladu sa odobrenjem za građenje, tehničkom dokumentacijom i Zakonom o prostornom uređenju Kantona Sarajevo (*Službene novine Kantona Sarajevo broj 24/17*);
- c) provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanim Zakonom, posebnim zakonima i propisima, važećim tehničkim propisima i standardima te da je taj kvalitet dokazan propisanim ispitivanjima i dokumentima;
- d) biti prisutan u svim fazama testiranja kvaliteta ugrađenog materijala kao i u svim fazama testiranja nosivog sklopa građevine;
- e) potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolisati građevinsku knjigu te, po potrebi, vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu;
- f) napisati izvještaj investitoru o obavljenom nadzoru nad građenjem građevine.

Nadzorni inženjer dužan je pravovremeno obavijestiti investitora o svim uočenim nedostacima i nepravilnostima prilikom vršenja stručnog nadzora u skladu sa Zakonom o prostornom uređenju Kantona Sarajevo (*Službene novine Kantona Sarajevo broj 24/17*).

Nadzorni inženjer dužan je pravovremeno obavijestiti urbanističko-građevinskog inspektora o svim nedostacima i nepravilnostima koje je uočio tokom građenja, a koje investitor ili izvođač radova ne otkloni na osnovu njegovog upozorenja.

Pored navedenog, nadzor na poslovima održavanja je dužan da na osnovu, sa izvođačem dogovorenog kratkoročnog programa predviđenih radova u sljedećem razdoblju (mjesec), pripremi svoj program terenskog nadzora. Za vrijeme terenskog nadzora:

- saraduje sa predstavnicima izvođača, usklađuje rad, te daje uputstva i zahtjeve,
- pregledava i nadzire radove u izvođenju i već izvedene radove, u odnosu na kvalitet i količinu,
- napravi potrebna mjerenja količina izvedenih radova za radove za koje je to i predviđeno,
- dopunjuje svoje zapise o izvođenju radova, izvedenim količinama, kvalitetu i stanju na putu,





- pregledava, koriguje, dopunjuje i potvrđuje kontrolorske dnevnike, dnevnike održavanja i građevinsku knjigu,
- provjerava mjerenja sa podacima iz Banke putnih podataka.

Zadaci nadzornog inženjera na održavanju su i:

1. saradnja pri pripremi programa radova redovnog održavanja i ostalih radova (krpljenje, odvodnjavanje, sanacija spojnica i središnjeg kontakta, popravci zidova, cestovno-željeznička ukrštanja i sl),
2. priprema popisa stanja puteva za određivanje prioriteta pri raznim intervencijama,
3. priprema popisa potrebnih radova, raspisa, predaje radova, priprema ugovora,
4. saradnja pri pripremi izvedbenih programa zimske službe,
5. saradnja pri izvođenju dežurne službe za obavještanje o stanju i prohodnosti cesta na sjedištu Direkcije,
6. saradnja pri uređivanju plaćanja odšteta i sličnih problema,
7. saradnja pri tehničkom pregledu puteva posle većih radova ili novogradnje,
8. kontrola nad radovima, koji se izvode na osnovu izdatih saglasnosti u putnom i zaštitnom pojasu saobraćajnica u smislu izpunjavanja uslova izdatih saglasnosti i dozvola Direkcije,
9. pregled nad nedozvoljenim zahvatima u zaštitnom pojasu ceste i cestovnom pojasu,
10. saradnja pri tehničkim pregledima obavljenih radova u zaštitnom pojasu i cestovnom pojasu,
11. organiziranje izvršenja odluka inspektora, saradnja pri inspekcijskim pregledima,
12. nadzor nad izvođenjem radova prema saglasnostima, koje izdaje Direkcija,
13. urgentno organiziranje radova pri otklanjanju posljedica vanrednih događaja,
14. nadzor nad otklanjanjem posljedica vanrednih događaja i priprema izvještaja o otklanjanju posljedica,
15. priprema odgovora na radne zadatke, koji su posredovani od strane naručioca,
16. saradnja sa ovlaštenim institucijama i
17. drugi radovi prema narudžbi Direkcije.

Nadzor nad izvođenjem građevinskih radova je odgovoran za direktnu štetu koju je prouzrokovala treća strana, a koja proizilazi iz njegovog rada i njegovih ugovornih obaveza. Prije otpočinjanja vršenja aktivnosti Nadzor mora osigurati svoju odgovornost, za period trajanja svoga rada, od bilo kakvog oštećenja koje mogu prouzrokovati investitor i treća strana, a u vezi sa vršenjem svojih aktivnosti. Nadzorni inženjer je obavezan da na dnevnoj osnovi prisustvuje gradilištu.

4. ZAKONSKA REGULATIVA

- Zakon o cestama F BiH (Službene novine F BiH broj 12/10, 16/10 i 66/13);





- Zakon o osnovama sigurnosti saobraćaja na putevima u BiH (Sl. Glasnik BiH br:6/06, 75/06, 44/07, 84/09, 48/10, 18/13, 8/17, 89/17 i 9/18);
- Zakon o prostornom uređenju Kantona Sarajevo (Službene novine Kantona Sarajevo broj 24/17);
- Pravilnik o osnovnim uvjetima koje javne ceste, njihovi elementi i objekti na njima moraju ispunjavati sa aspekta sigurnosti saobraćaja (Službeni glasnik BiH“, br.13/07);
- Pravilnik o održavanju javnih cesta (Službene novine F BiH broj 57/15);
- Pravilnik o vrsti i sadržaju projekata za građenje i rekonstrukciju javnih cesta (Službene novine F BiH broj 69/10);
- Uredba o uređenju gradilišta, obaveznoj dokumentaciji na gradilištu i učesnicima u građenju (Službene novine F BiH broj 48/09);
- Smjernice za projektovanje, građenje, održavanje i nadzor na putevima, Sarajevo/Banja Luka iz 2005.;
- Standardi i ostali propisi koji regulišu ovu oblast.

5. VRIJEDNOST

Ukupna procijenjena investiciona vrijednost radova izgradnje, rekonstrukcije i rehabilitacije saobraćajnica na području Kantona Sarajevo je 9.000.000 KM bez PDV-a. Pojedinačna vrijednost radova izgradnje, rekonstrukcije i rehabilitacije saobraćajnica varira od projekta do projekta i kreće se u rasponu od 100.000,00 KM - 1.000.000,00 KM.

Ukupna procijenjena vrijednost radova održavanja puteva i putne opreme na području Kantona Sarajevo iznosi oko 2.000.000,00 KM bez PDV-a.

Ponuđači za vršenje poslova nadzora daju procenat od vrijednosti radova u KM bez PDV-a (obrazac specifikacije u prilogu).

DIREKTOR

Selmir Kovač, dipl.ing.saob.



web: <http://dp.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1



